



樂函

詞引

鎖給諫東闈得士詞有引

劉給諫東闈得士詞有引

張鎧曹東闈得士詞有引

王大尹分闈得士詞引

房邑令分闈得士詞引

宋父母分闈得士詞引

楊令尹分闈得士詞引

王州牧分闈得士詞有引

錢學憲造士得雋詞有引

房學憲造士得雋詞有引

張太守初度詞有引

宋父母初度詞有引

灤函

詞引

賀鎖兵部東闈得士詞有引

濟南

葉承宗奕繩著

葉承祧奕紹較

伏以新代掄材秋薦先行北土首闈擢俊夏官  
廼任東邦稽古造士之權恒歸司馬故今右文  
之舉特簡重臣取材悉杞梓梗楠儲薪爇以待  
用觸目皆琳瑯珠玉宛璧月之照人指蟾闕以

騰懼望龍門而獻頌恭惟夷翁老父母閣下興  
朝名世開代偉人鍾淑氣于中天名高北斗富  
雄文于洛水紙貴南金毓秀嶢山符廣成之雀  
韻學涵穀水儲姚相之鴻才識契河圖妙測赤  
文綠字胸藏武庫具函紫電青霜八索研兇擅  
博聳于倚相斥言居要契玄解于希夷奏董策  
于彤墀金臺騰譽植潘花于赤縣聊攝馳聲不  
著邑聲肆掌邦政洽聳雖足以較史不將文事  
以掩真才時事莫大乎詰兵暫藉雄威以飭武

備值新皇受命時方革故鼎新延世國徵賢歲  
際旃蒙作噩擇官北斗之署取人東海之區溟  
岱之氣日升人思振袂山左之額益廣衆切彈  
冠永叔持衡收一方之人望昌黎復古起八代  
之頽風既默禱以需真才遂暗索而得竒士一  
經伯樂冀北之羣遂空幸際波斯滄海之珠無  
漏八紘集多士皆槃槃安石之才乙榜冠遺元  
猶便便孝先之笥即今九十子齊魯畢獻其精  
竒從此萬斯季海岱相傳為盛事蓋我皇皇聖

天子獨遣命世奇才故今濟濟魯諸生得入鉅  
儒法眼奉賢書以奏丹闕曳履而上星辰率高  
弟以事紫宸調羹而和鼎鼐識高水鑑聲著黼  
屏某深慚舟楫之長濫膺虞衡之署鄉依光于  
黼邑心欽照乘之珠今觀盛于棘闈遙仰連城  
之壁載色載笑神挹玉筍之班式舞式歌心醉  
紫芝之宇聳籍收多彥大為冥鹿之光奈匏繫  
一官莫遂登龍之願長白風霜知吾里之有人  
灤水雲蒸喜公門之得士挹纓湖以灌溉躋公

堂而介兕觥望函臯而揮毫歌巴人而親劍佩  
音慚白雪頌擬清風詞曰金門山色和雲織  
早毓出人英特賦成懸却國門金又望樂昌春  
色名著清曹息承丹詔東鑑臨東國驪黃誰  
似方臯識喜苑李狄門植匡衡入相悉彈冠方  
見談經得力網收麟鳳手調鼎鉉佇見台衡陟

右調御街行

賀劉給諫東閣得士詞 有引

伏以青瑣掄材嵩岳蜚雲隨豸繡皂囊貯士滄

溟注雨潤龍章蓋以言事君者即以人事君則  
集思之益廣而以吏率人者即取人置吏則明  
試之功長二三子得名世師五百里有賢人聚  
恭惟瀛翁老先生閣下天中名宿海內福星分  
角亢之晶芒而跡躔河廣挹瀟溪之霧派而脉  
毓崧高維嶽生申周室于蕃而于翰惟君夢說  
商川作楫而作舟奕世魁名允繩祖武傳家大  
業克振父風奏賈策於九重羣空冀北植潘花  
于三輔績晁西秦爰得士于丁闈悉知名於甲

第再尹沙麓作畿輔之干城遂晉梧垣為聖明  
之耳目簪筆豹尾殿閣生風侍覲龍顏樓臺得  
月櫻鱗而直聲益著賜環而威望彌尊組五色  
之絲補五位山龍之職恢八紘之網收四海川  
岳之竒台星獨耀于首垣文光遂燦于東壁山  
左之人文日盛必藉重臣中州之學術獨精能  
收竒士中原攬轡無須當道埋輪河濟驅車惟  
願得人推轂白簡帶冰壺而炤徹珠無滄海之  
遺練囊包玉尺以裁成殼盡英雄之人山河齊

勝地名士盡歸藥籠禮樂魯諸生英才悉屬莖  
李巍巍壇坫快覩王者之孫煒煒宮墻樂得聖  
人之後風起八代韓昌黎實主其盟學備六經  
邊孝先皆與其選即今九十子要皆一代之奇  
相傳三百年無如此日之盛回闕奏賢書閭闔  
風雲動色臨軒開甲榜門墻衿佩增輝某溝斷  
庸材海濱下士向職恒山之李耳聆單父鳴琴  
今同鸛鷺之班心醉歐陽諫州已葦籍收多士  
大為冥鹿之光無如匏守一官莫遂登龍之慶

索蛩嗟而得句慚微白雪之音將蟻恫以達誠  
願嗣清風之頌詞曰 向玄亭問奇字幾經拈  
宜較取天祿牙籤伏蒲一奏春生黍谷徧蒼黔  
輝臨海國搜奇士山斗交瞻 喜清秋快多士  
攀僊桂映銀蟾羨龍門色笑應添龍攀鳳附應  
隨師席近宮詹相將振起和羹手調鼎梅鹽  
右調金人捧露盤

賀張鎧曹東闈得士詞 有引

伏以錦江文曜入青齊網收鳳毛麟角蜃海德

星聯碧漢圖開鵬翥龍翔取材悉杞梓榘榘儲  
薪爇以待用觸目皆琳瑯珠玉如璧月之照人  
多士彈冠羣英稱贊恭惟雷翁老先生閣下祥  
鍾麟紱藻揆鴻章挹佳氣于武都胷涵二酉奏  
雄文於雒下筆燦三辰樂擅天倫朗陵之祖孫  
濟美世傳家學看山之師及一堂識盡天下奇  
書而承家獨精壁簡研窮古今文變而匡時頓  
復漢官釋褐即蒙夫主知廷揚遂膺乎帝簡博  
文雖足以較史不將文事以掩真材時事莫大

乎詰戎暫藉雄威以飭武備屬當東邦之比士  
迺徵司馬以衡文海岱之氣日升人息振袂山  
左之額益廣衆切彈冠蓋張衡擅兩都之才而  
茂先識豐城之氣褰帷渡濟澄清矢孟博之懷  
載轡瞻岩登眺深馬遷之興昌黎復古起八代  
之積衰永叔持衡收一方之人望一經伯樂冀  
北之羣遂空幸際波斯滄海之珠無漏蓋以文  
翁興學之教大行于東方故自陽明得士以來  
再盛于今日即今九十子齊魯畢獻其精奇從



此萬斯年岱溟共垂為盛事益我渠丘太史能  
識命世奇才故今東魯諸生得入鉅公法眼膚  
功既奏行曳履而上星辰政本攸資遂調羹而  
和鼎禹其承乏遠備實藉幄籌榆塞縈神賴故  
人之在鳩署梓鄉繫念幸小子之登龍門窺玉  
筍之班載色載笑挹紫芝之宇式舞式歌望在  
高山媿音歎于子夜曲陳下里幸辱鑒于陽春  
映海關之蜃光聊擬塵端玉屑分錦江之練影  
蜚來扇底莢花敢布蛩吟用彰燕賀詞曰 天

簡名賢東方拔士奇珍應運爭出今年多士揚  
耆爭道絕勝前日司衡惟氏是聖主臨軒親識  
盡爭傳腹內甲兵當世誠然無敵 姑射姿四

方誰匹金玉式千秋作律向來夢切儀刑今日  
躬承品隲還朝矢報麟角鳳毛為質佇看名卜  
金甌咸仰中興良弼 右調東風第一枝

賀王大尹分闈得士詞 有引

伏以龍濯漳濱萬里雲霞聯杏苑鳧蜚濟水一  
門莢李燦花城水鑑朝懸已拔十而得五金莖

秋擢廼舉一以當千彙佳士之仰龍門獻鄙嗟  
以章燕喜恭惟老父母閣下千秋名世一代儒  
宗溢水鍾英挹廣平之高韵河汾衍派寄仲淹  
之鴻才愛寄萊衣堂娛壽母詩因匡說道在經  
師將搜天祿之藏先製聊攝之錦緩催科而急  
撫字民如州之從風願保障而惡蘭絲廼求桑  
于未雨琴堂朝課藝遂丕變乎士風藻泮曉橫  
經因大彰夫文教昇勞民以休息願賣刀而買  
犢忽狡虜之憑陵廼控弦而嘶馬弓關瀚海月

一發而殲名王旆展岱岩風三朝而去醜 克  
勤克儉允武允文值鎖院而掄材廼分闈而得  
士名傳大峴識彈鋏于馮驩嘯寄雲門鑒清標  
于孫楚昌陽蜚鳳四海知郊祁二難德水化鷗  
千載傳啓期三樂連城荆壁羨趙氏之奇珍照  
乘隋珠入玉融之法眼曲收乎引商刻羽瑟不  
濫高國之竽識精乎逐電追風驥不苦鹽車之  
阪暗索佳士汝南之譽彌高快賞奇文雒陽之  
紙愈貴從此知人之譽盡歸洛州相傳得士之

隆無如聊邑某慕許公之月旦慚董相之天人  
向居鴈鳩之曹職寄虞衡山澤君遊駿馬之市  
識超牝牡驪黃海國秋深知占星于太史岳樓  
春鵲羨立雪于門人周袞補于仲山絲縈五色  
郢曲高于宋玉歌寄雙聲廼索句于蛩吟式侑  
觴而燕賀詞曰詞缺

賀房令尹分闈得士詞有引

伏以錦製動山公佇見西崑叅秘笈彩毫遶海  
國先從東士識竒珍網收麟角鳳毛高懸冰鑑

伏踪下里向居璽署丹函硃篆惹香煙君入史  
曹金馬木天瞻日影梓桑後學悉賴陶甄海岱  
斯文咸資動變索蛩音而得句慚非白雪之章  
將蟻悃以達誠願托清風之頌詞曰詞缺

賀宋父母分闈得士詞有引

伏以蟾窟集金莖海右風雲聯蜃市龍門涵水  
鑑汝南月旦出鮑城取材悉杞梓梗楠羨拔尤  
而得五觸目皆琳瑯珠玉喜照遠而及千敢布  
蛩吟用彰燕賀恭惟老父母閣下呂亭世族舒

郡名家居在天之中毓扶輿之正氣名高斗之  
北蜚寰宇之英聲竹簡宵披擅史材于涑水梅  
花作賦留清韵于廣平于令升之博學羨于劉  
惔畢茂世之高致合于阮孚龍作納言貽孫謀  
于奕世誼廼獻策膺主眷于一朝經賴申傳言  
為世則詩承匡說妙解人願禁中知大宋之名  
海內仰新蔡之學花栽駒里遺棠棣于經旬錦  
製祁山施蒲鞭于暮月東人思慈母時歌公旦  
之裳北闕簡良臣再蜚僊喬之鳥星言夙駕不

時當蟾兔影羣集金莖拜手颺言同心執贄  
恭惟老父母閣下堯門望族天柱竒英山號嵯  
峨既雲興而作雨人稱岐嶷自德聚而為星八  
索研精擅清言于  
五花作陣投素冊于衛

公心鏡光明共仰韓山懸霽月詞源浩漾咸驚  
丹水湧春濤謀擬玄齡咸仰公輔之望畧同次  
律爭知社稷之臣冀北之羣既空渠丘之綬遂  
授一麾出宰兆小試于東山百里提封藉大賢  
于北海衙齋清簡聳琴漱澗水之流聽斷餘閒

染翰映岵山之色膏澤久洽于花縣勛猷已及  
于瓜期尋借計于吳公稱頌第一之治欣拔茅  
于齊棘咸稱得五之名識超牝牡驪黃類孫陽  
之相馬聲辨宮商角徵同鍾子之知音快賞而  
知竒文暗索而得佳士山河齊勝地名士盡入  
藥籠禮樂魯諸生英才悉屬苑李食苹食苓工  
歌鳴鹿者三應虛應危星聚少陽者五蒲輪內  
召讀金匱石室之藏杏苑弘開皆鴈塔鳳池之  
選公門樂于得士朝廷嘉迺知人某藉蔭艱封

驚野外鳴鷄平秩西成頓息澤中鴻雁傳家有  
嵩門之學藉經術以衡文首城為百邑所瞻綠  
治蹟以達教覃精思于十日得佳士者五人蛟  
蜚沙岸陳孔璋迺鄴下之竒鯤躍寒亭王子陽  
迺膠東之雋識竒氣于 養澤畔羨張緒之少  
年採吉光于長春嶺前知李尋之博物若夫考  
亭裔胤振絕學于平昌皆賴庠叔鑒衡收羣英  
于歷下鹿食苹蒿之野工歌者三人瞻苑李之  
門星聚而五杏壇生色桂苑增輝某藉蔭粉鄉

瞻光芝宇自念雲屯萬艘蜚鶴首而達薊門君  
迺星燦七襄致駿足而集燕市斟亭風藹知吾  
里之有人灤水雲蒸喜公門之得士挹纓湖以  
濯漑躋公堂而稱兕觥瞻函阜而揮毫歌下里  
而親息鳥音慙白雪誦擬清風詞曰詞缺

賀楊父母分闈得士詞有引

伏以冰鑑朝涵六郡菁莪叢桂苑金莖秋燦一  
門苑李耀花城網收麟角鳳毛歸汝南之月旦  
庭集鵬搏豹變振海內之風雲多士彈冠羣英

稱贊恭惟老父母閣下千秋名世一代儒宗派  
系潼津而振家聲于蒲阪名齊華岳而高鄉望  
于河中品擬大年文體擅西崑之美學宗中立  
圖書生東壁之光立雪望高于程門摘星名齊  
于聖世蛇珠荆玉齊親上景之中駒足龍文當  
求千里之外六轡馳驅于辛五諸生寤寐乎羶  
三竹馬迎來共喜隨車之雨鳥息蜚去咸瞻夙  
駕之星蔽芾甘棠憇四郊之艸菱綯繆桑土壯  
萬里之金湯芹泮曉橫經士風丕變桑田朝勸

業民譽攸歸政取繭絲惟心殷于保障忽驚鼙鼓遂勢壯于干城一矢而殲名王弓關渤海之月三朝而太醜 旆懸秦岱之風值比士而掄文迺分闈而得雋學嵩伏投尤兼取于羣經望重許評遂廣收乎多士掄英于澹臺里迺吾家之九齡拔異于 泉迺公族之廷秀昌陽奇

氣得便便之邊孝先獫澤奇珍識英英之王逸少更生學富燦閣上之青藜德祖才高悟碑陰之黃絹人皆仰斗百年迺見昌黎士士凌雲今

日始逢楊億公權為政既比譽于謝安于陵持衡遂得人于皇甫某依光粉里託蔭花城雲繞般陽知公門之得士星輝夾谷占吾里之有人錦繡為屏喜名章乎高士宮商盈耳諒不棄夫巴人瞻雁字以成章聆蛩音而得句詞曰詞缺

賀王州牧分闈得士詞有引

伏以雲藹狄門金莖已擢青雲秀日融偃室玉樹雙啣白雪高映東井之輝星聚而五挹延津之氣劍出惟雙羣情共仰南金多士咸瞻北斗

恭惟閣下千秋名世一代儒宗衍河汾之嫡傳  
 江南獨步毓晉陵之佳氣海內知名繩祖武于  
 木天藜火映石渠之色振家聲于玉樹蘋風揮  
 滕閣之文說詩解衆人之願著論藏帳中之秘  
 名高題雁有錫已駕雙鳧兆切夢刀無隶遂來  
 五馬本經術以濟事巍然千里之師參禮法以  
 訓人卓矣百城之表枝璣一本須知遊釜無魚  
 黍秀兩岐且喜晝輻有鹿寵加三錫注念龔黃  
 誦滿十竒歸心石杜戴星拮据晉陽不事繭絲

未雨綢繆渤海先雄保障漁陽之鼙鼓振地迺  
 濬隍以繕陴濟北之風霍驚心實堅壁而清野  
 弓關濟水月一矢而殲名王旆卷岱岩風三朝  
 而走醜東人戴德北闕嘉勲暫資天上星辰  
 用作東郊水鑑膠東拔異姓字符于張華北海  
 掄竒博洽同于郭璞拔尤蒙澤爭傳久道之詩  
 彙俊海濱共入仲宣之鑑至于名高休奕皆玄  
 堂問字之英派出康侯迺芹泮橫經之雋瓜期  
 報最四海惟公一人藥籠收竒一朝而進七士



花磚過影搜君家石室之藏楓禁分榮膺王國  
金甌之卜某夙殷山仰遙挹波涵藉蔭榆枋久  
聆歌于五袴羨榮苑李式絢綵于七襄驥足附  
青雲識超驪黃牝牡龍門獻白 未叶角徵宮  
商敢披紫電之儲仍效清風之頌詞曰 葱葱  
佳氣梁溪曲早毓出人如玉到來五馬棣城中  
四野恩膏瞻足片泮春融攬捨宵遁文武皆公  
屬孫陽一顧皆驥駟葦結綬彈冠促武城子羽  
重雙南同仰龍門朝旭千載明良一時師弟共

調明玉燭 右調御街行

賀錢學憲造士得雋詞 有引

伏以甬江文曜入青齊網收鳳毛麟角泰嶽德  
星聯碧漢圖開鵬翥龍翔一朝而八代遂興雲  
氣為章宣下土朞月而二東再試電光隨筆滿  
東郊多士彈冠羣英執質恭惟老公祖閣下千  
秋名世一代儒宗毓金峨赤莖之竒供其筆陣  
挹霞嶼翠岩之色溢為文濤宗盟甲第數十人  
而二難之聲特著鄴架牙籤千萬軸而四始之

業尤精標清韻于知章居則鳴琴剡曲掇巍科  
如錢起賦成鼓瑟湘霧葉珠叢裡看花羣空冀  
北金玉堂前作李誦滿豫章逮分較于棘闈廼  
殫心于藜火既遺南國之愛名著西崑遂遷北  
斗之曹鐸宣東國臨濟流而叱馭忘兵戈之交  
橫瞻岱岳而驅驄恐士習之久曠冒炎觸雨肅  
肅宵征宿露餐風駢駢曉發教人以詩書春秋  
禮樂而尤加意于孝經閱士于青兗東濟登萊  
而更三試于濟上山左提封五千里迨轍環曾

不數旬海邦較牘百萬篇比鎖棘而止得匝月  
品題悉佳士槃槃大才甄拔盡名文彬彬爾雅  
至于槐黃期逼猶致塵滄海之偶遺所以桂萼  
秋寒盡係于龍門之首選蓋以陽明取士之法  
大展于東土故自薛公設科以來莫盛于今日  
此多士泛南山之菊同為兕觥之稱而羣心瞻  
北闕之麻佇見金甌之卜者也某才慚市駿志  
擬登龍金匱窺藏尤挹波于外史石渠虛左佇  
晉秩于中台爽李成陰羨公門之得士扮榆在

念幸吾國之有人下里嗽詞聳蛩吟而索句高山繫望數雁字以成章詞曰喜東邦文明盛哲人臨擬延津劍氣千尋文如繡虎書成懸却國門金海岱羣英咸入彀共仰鐸音看于今思攀鱗爭附翼奮雄心宮墻一望壁聯九十畫竒琛康成佇陟漢廷相共綰朝簪右調金人捧露盤

賀房學憲造士得雋詞有引

伏以海岳敷文六郡咸蒙樂育魯齊儲俊三年

已遂觀成益升秀掄材一日之風雲既合而作人造士居恒之雨露尤深百餘城得名世師九十人有國士報恭惟老公祖閣下鴻文儀世駿望匡時世衍金吾授麟經而克繩文業天生木鐸題雁塔而筮仕武庠燕翼先傳西秦著其偉烈雁行競美日下蜚迺英聲天下規矩之名夙崇伯武人倫衡鑒之目世羨玄齡化洽杏壇青檀慕其時雨秩遷梧掖白簡凜于秋霜迨安石樂遂于東山而昌黎名高于北斗值新朝定鼎

選賢于燕冀之郊聿開代崇文敷教于岱溟之  
境褰帷涉濟軫兵燹之初平驄馬瞻巖念士習  
之久曠初寒飲以醇酒挾纊及于青衿多士醉  
乎春風投醪出于絳帳已廼冒炎觸暑肅肅宵  
征加以宿霧食風駢駢夕發山左提封數千里  
迨環轍而曾不半碁海邦較牘百萬篇比鎖闥  
而止得九月品題悉佳士槃槃八面之才甄拔  
皆名流便便五經之笥至于槐黃期逼猶致塵  
滄海之偶遺以故桂萼秋寒盡係于龍門之首

選蓋自陽明錄士之後莫盛于興朝而自薛公  
設科以來再見于今日此多士泛南山之菊同  
為兕觥之稱而羣心瞻北闕之麻佇望金甌之  
卜其心殷御李志切瞻韓居鳴鳩之曹職寄虞  
衡山澤羨駿馬之市識超北牡驪黃海國秋深  
占德星于太史山城朝藹沐化雨于及門周袞  
補于仲山絲縈五色郢歌高于宋玉曲寄雙聲  
廼搜句于蜚唼式侑觴于燕賀詞曰 燕山曉  
霽文星煜早秘授西崑錄名成懸却國門金霜

滿皂囊肅肅驄色朝臨鐸音宵振化雨成新沐

驛驪悉入方臯目喜苑李紛如簇共說東國

盛人文壓倒普天華鹿一時師弟彈冠結綬佇

見司鈞軸 右調御街行

賀張太守初度詞有引

伏以懸弧值初陽麟繞練湖呈赤綬稱觥當至

日鷺環纓渚獻瑤觴將幣惟三十城印纍纍綬

若若共入春風之座啟筵于一之日炙芬芬酒

欣欣交親冬日之輝謹拜手以颺言爰賦歌以

致祝恭惟老公祖閣下靈鍾斗宿生感歲星崧

岳生申蕃宣著績周邦有仲孝友知名石色自

黃授秘書于圮下劔光惟紫識寶氣于豐城里

著鳴珂蜚英聲于嘉祐文如素練擅美譽于曲

江十策悉陳爭傳師亮萬言立奏復見九成賦

奏楓宸識孟博之家學猷觀棘寺占釋之之廷

平製錦于苧蘿溪傍精探禹穴栽花于蓬萊閣

下名滿蠡城著循良于錢潮之鄉歌兩邑之芟

憇襄秩宗于金陵之署典三禮以寅濟天子簡

南國之僚資股肱之重地朝廷順東民之望用  
保障于殘黎腰橫左顧龜濟水沛潁川之澤路  
擁東方騎齊川沛渤海之膏杖鳩父老權呼咸  
喜望之外補竹馬兒童拜舞交迎郭伋新除一  
路福星春回綠野萬家烟火光燁朱幡露冕星  
披馬載車而惟五颺帷雲擁鹿夾轂而瞻雙脊  
虎渡河不入中牟之境有鴻集澤爭歌召父之  
仁麥秀兩岐樂張君之為政民今五袴訝廉叔  
之來遲蓋天將惠此一方民故帝特任茲二千

石廼逢南至之日實惟初度之辰灰動重緹吹  
羲仲調元之管繡增弱線續山甫補袞之絲朱  
轂迎陽正馮翊化成之日黃鍾應律廼昌平誕  
聖之期名重文成夢鷺鷺而徵佳兆詩傳禹錫  
天麒麟以為祝辭白鵠應徵感祥光而誕異玄  
鶴載放隨陽氣以施仁環郡數萬人歌于比屋  
連城三十牧躋彼公堂輻集于轂而利厥長道  
日統于月而結為大年挹明湖以溉尊壘公清  
如水映泰巖而列几席民望惟山僊鳧雙而羣

牧來良馬五而太守樂符分花縣咸沾潤于西  
池綬綰琴堂胥瞻光于南極我核惟旅仲冬薦  
曼倩之爽其簌維何復月雪華峰之藕屏懸故  
實繪趙抃琴宦之圖曲奏新聲演龔遂劍犢之  
事是能同黎首樂萬民交祝秀翁從此作黑頭  
公一人亦歌壽豈某身依棠蔭藉粉鄉風雨  
聿來賴併幪于夏屋陽和載布瞻化育于春臺  
玉燕呈祥知重燕公之筆紫芝挹宇願交張籍  
之名淮陽暫藉寇公佇看禁闥之召益州崑資

張詠尋膺京兆之遷慶茲佳辰仰高山而獻頌  
遙欣盛宴歌下里以激詞伏願贈壽杖于坡僊  
五百年為歲月詠靈椿于莊叟八千載為春秋  
矢我好音以介翁壽詞曰 朱幡麗日映一簾  
晴晝序轉初陽乍熟酒壽筵開三十良牧咸來  
舉觥爵共獻醉翁太守 東郡保釐後萬戶風  
清會見商霖潤麥秀早績報山公朝野知名調  
玉燭金甌名履還加意東方舊河山又交羨袞  
衣咸歌翁壽 右調洞僊歌

賀宋父母初度詞有引

伏以瑞英紀長年崧岳蒸雲縈錦綬芳芹滋太  
液明湖挹水注霞觴懸弧矢而際嘉辰漾晴光  
于旭日稱兕觥以介眉壽致爽氣于清秋瞻鳧  
影以騰懽索蛩吟而得句恭惟老父母閣下聲  
蜚積玉望著鳴珂懿行承家福星占于太史科  
名繼世文光映乎上台子京史成較素編于竹  
簡廣平賦就寄清韻未梅花曰龍虞之納言昭  
哉繩武維申周之蕃翰允矣矢文翊茲藻火山

龍躋三五之壽域潤及禾麻禾黍登億兆于春  
臺惟聖主得乎賢臣斯小民樂有慈母淬新硯  
于濟北經旬詒棠蔭之思駕輕馭于新安數月  
布蒲鞭之化朝疑頌東人之望移惠殘黎蒼生  
望南國之音願餘澤迺乘薰風而命駕遂瞻  
膏雨之隨車澤有歸鴻四野不歌東啓苻銷挺  
鹿千家共樂西成迺值良辰實惟初度星躔流  
火恒聳鳴鵙之聲盛德在金快覩放鴿之事金  
風淅淅傳來綺席清歌玉露漙漙擷入瓊筵致



語我核維旅三秋雪曼倩之爽其歛惟何八月  
剝安期之棗慶觴方數日已覘兔影瞻光吉宴  
甫盈旬遂收鳳毛麟角于今慶洽花縣萬民共  
祝考祺從此朋作楓宸天子亦歌樂豈其欣崇  
令德幸際芳辰宇下章縫獲瞻光于南極宮墻  
衿佩亦分潤于西池用祝鶴齡敢申燕賀南有  
杞而北有李樂父母之錫德音潦采藻而澗采  
蘋獻王公以昭明信華封致祝媿葉石林子夜  
之聲下里敝詞入宋大夫陽春之耳唐省槐音

數十年有一日漆園春木八千載以為秋矢我  
好音以介眷壽詞曰詞缺

樂函卷八終

樂函記

重修城隍廟記

重修七忠祠記

蔡庶憲去息碑記

疏

水月清境募緣疏

修五龍潭募緣疏

濟南  
記疏

樂函

記

重修城隍廟記

濟南

葉承宗奕繩著  
葉承祧奕紹較

入國門而瞻祠廟焉君子之政治可知矣古之君子成民而致力于神蓋民神之主也雨暘寒暑為民而祈圭璧豆籩為民而報君子之敬共明神凡以乂安生民也是故守土之職祀為大

樂函  
卷九

友聲堂

祀典之修城隍為大城隍之祀厥惟舊哉城以  
衛民隍以輔城緣城隍而有神之名緣神而有  
廟之建緣廟而有像之設緣像而有爵之封于  
是乎所謂城隍之神迺著彼夫五祀之禮皆祭  
于其所而後迎尸于輿若城隍者尊埒于社稷  
山川秩越于門戶中霤井竈是未可祭于其所  
而迎于輿也故特作廟以祀之壯麗其觀輝煌  
其制以赫聲霸以昭美報益其慎也濟南之有  
城隍廟也建自明興基托乎歷下而靈爽攝乎

全齊爵崇乎上公而祀事掌于郡守都城有觀  
五郡不得比崇衮冕有嚴百神于馬受職於都  
盛哉三百年來修凡五舉然踵事增華而無改  
其故即撤舊圖新而非剝厥初已卯燬後歲輒  
游災時詘未易舉羸謀修因而弗果壬午之冬  
大中丞鐵山王公以城守之故發願重新遂捐  
金錢二百緡自藩封直指藩臬大吏以暨紳衿  
士女咸有攸助錢令尹銳意圖成張羽士黽勉  
襄事垂一載有奇至甲申季夏而正殿迺成制

崇于昔觀美于舊然而力亦殫矣神像雖設衮  
舄尚未華也從衛雖列羽仗尚未飾也棟宇雖  
嚴丹青楮堊尚未加也清廟雖穆翼屢重軒尚  
未營也羽士戛戛乎難之時維八月杪郡伯武  
林吳公以刑曹郎來蒞茲土謁廟誓神顧瞻法  
相遂毅然任之曰此太守事也迺躬別駕趙公  
童公司李劉公令尹朱公各捐重貲繪聖像而  
金碧之徧從神而采飾之建前軒而經營之神  
像開光之舉直指子亨朱公蒞馬簷軒楹額之

舉大中丞歐餘方公蒞馬蓋臺震公吳公欣聿  
樂助焉若藩司王公李公臬司胡公房公張公  
都閫蘇公齏司蘇公及屬下吏咸助朱提以襄  
成功于是規制崇閣威靈赫奕濟上士民瞻禮  
廟貌靡不舉手加額頌諸上臺郡伯之功咸來  
徵文葉子以誌不朽葉子曰斯真可謂敬共明  
神者矣敬共之顯築高濬深敬共之微考宮肅  
祀敬共之文奠珪薦牡敬共之實勤政恤民郡  
伯吳公下車席未暇煥即條利弊數事見諸施

行又設勸誡教則以化導民所謂成民而致力  
于神非與加以謙光神所福豈弟神所勞艱難  
拮据茹藥飲水神所鑒至治馨香神聽和平奕  
奕新廟神必格之若吳公者真可謂敬共明神  
者矣吾故肅瞻祠廟而知公之政治焉

重脩七忠祠記 代蔡臬憲

濟南濼源門內故有七忠祠云七忠祠者祀建  
文死節鐵尚書鉉陳尚書迪平都督安胡侍郎  
子昭高參軍巍以及鄭吏目華王教諭省者也

萬曆間大中丞黃公克纘怪平將軍殉義之遲  
也因題黜平將軍安而躋丁御史志芳則今所  
祀七忠者是也蓋自建文後二百四十餘年復  
有崇禎己卯之事濟南冠蓋半衄城頭嗚呼烈  
矣是歲夏五月余以臬憲參東藩維時官署民  
居鞠為焦土而忠祠獨幸猶存余因祇謁祠下  
睇瞻廟貌摧圯顧謂丘司李祖德曰此非靖難  
時烈丈夫與奈何坐于風日中迺與丘司李各  
蠲俸錢命歷城宋令祖法庀村鳩工指日維新

已又念已卯諸公死事之慘思欲鼎建一堂附庸俎豆會濟南父老議于正氣堂旁別構東西兩廡左祠張方伯秉文以下八人右祠歷下士紳陳憲副載春以下十餘人中丞直指下其議僉以為宜第時詘未易舉羸姑即阼階一席地作堂四楹以奉張方伯秉文鄧叅政謙着太守好善韓令承宣四主功未及竣余適移豫中右轄又明年辛巳夏告厥成功適有問于余者曰七忠曷祀于濟南也曰仕地也王省鄭華亦仕

地乎曰忠之屬也平將軍黜祀可乎曰可功可沒與曰祀忠非祀功也祀丁御史何也曰家于齊黜平故躋丁也今之君子將無同與曰不同昔身亡城全今城亾與亡然則亦有同與曰其心同也是故以心而不以功則平將軍血戰之勲不及王廣文明倫一慟益錄忠若是之嚴也今之君子雖睢陽雀鼠之食未竭國佐背城之戰未聳然外無援兵內乏勁旅嬰城墨守與城俱亡豈所與身為大帥行遜偷生者同年語耶

稽古祀典法施與民者祀勞定國者祀死勤事者祀禦災捍患者祀鐵陳諸公固克備其全而張鄧諸公亦可謂無負以死勤事者矣雖然夫許國王碎固賢于瓦全徙薪尤賢于爛額是以君子願為汾陽不願為睢陽願為田單不願為王蠋苟不能綢繆未雨建威銷萌一旦災變卒來計無復之身雖殲矣城亦罔濟豈不謂忠焉要豈社稷生靈之福哉後之君子過此祠而憑弔者其亦知所警也夫余既記其事更為迎

送神辭三章俾主祀者歌以侑神焉其辭曰

背渚兮面岑啓峻宇兮千尋閭闔敞兮霧廼下  
白玉策兮青鬣馬蹇颺馳兮紛來旋旆翳日兮  
劍指天神赫赫兮厥霸眺故墟兮心驚新舊揖  
兮一堂各灑泣兮吞聲 右迎神 頎榦兮脩  
髯佩陸離兮纖纖眦咸裂兮虎視倚長鋏兮霜  
銛左敵籩兮右俎靈泣慘兮弗怵鼓咽咽兮靡  
已風蕭蕭兮盈几日冒冒兮就莫燃華燭兮進  
芳醴儗如葦兮太息情慙慙其告止曰予盡瘁



稽古祀典法施與民者祀勞定國者祀死勤事者祀禦災捍患者祀鐵陳諸公固克備其全而張鄧諸公亦可謂無負以死勤事者矣雖然夫許國王碎固賢于瓦全徙薪尤賢于爛額是以君子願為汾陽不願為睢陽願為田單不願為王蠋苟不能綢繆未雨建威銷萌一旦災變卒來計無復之身雖殲矣城亦罔濟豈不謂忠焉要豈社稷生靈之福哉後之君子過此祠而憑弔者其亦知所警也夫余既記其事更為迎

送神辭三章俾主祀者歌以侑神焉其辭曰

背渚兮面岑啓峻宇兮千尋閭闔敞兮霧廼下  
白玉策兮青鬣馬蹇颺馳兮紛來旋旆翳日兮  
劍指天神赫赫兮厥霸眺故墟兮心驚新舊揖  
兮一堂各灑泣兮吞聲 右迎神 頎榦兮脩  
髯佩陸離兮纖纖眦咸裂兮虎視倚長鋏兮霜  
銛左敔籩兮右俎靈泣慘兮弗怵鼓咽咽兮靡  
已風蕭蕭兮盈几日冒冒兮就莫燃華燭兮進  
芳醴儉如葦兮太息情慙慙其告止曰予盡瘁

兮匪躬遘數竒兮力窮身殲兮心苦邦國殄兮  
何補血迺化兮色逾殷心空熱兮骨已寒 右  
降神 日暮兮何之神欲去兮言辭飽我餽兮  
醉我酒儼陟降兮帝左右顙茲兮九閭哀我勞  
兮下民祈惠風兮甘雨爰滲漉兮東土永綢繆  
我牖戶兮作雄藩于終古 右送神

廉憲蔡公去息碑記 代宋父母

崇禎己卯春濟南士女新脫兵燹城無完雉野  
皆石田瘡痍未盡起流移未盡復露齒未盡掩

加以天不悔禍疫癘大作旱蝗相仍一二子遺  
刀俎餘息望仁人之拯之也如嬰兒失漚扶服  
而盼慈母焉維時天子哀此一方民爰咨百揆  
疇為予守茲東藩庸又殘氓僉曰蔡某方飭戎  
寧前天子曰俞其以蔡某遣于是夏五月公自  
關門來歷下綏良翦畔恤孤振甦民樂更生明  
年庚辰晉長臬憲爾迺大議修築興起諸廢民  
大悅又數月遷我豫中右轄歷下士民攀留莫  
遂既為祠肖像祀之復謀采歷山一片石勒公

惠政樹諸齊城所謂第一泉間一時父老子弟相率前而告余曰廉憲蔡公嘉惠于我儕小民小民不能忘凡厥大政明府實奉行之小民知分明府知合小民知微明府知鉅且艸茅顛倒不能為文章昭來許願以公筆易民舌遂見其耆而艾者進曰方公初蒞濟南爾時骨暴荒衢屍填港岬公斤貲購郊關一席地褻而掩之即今某所累累隆起者是也青燐夜泣絕同若教公設水陸躬臨泣祭哀動路人其文曰殉敵者

位上計蹙死者配附賊見戕者不得與吾祀學士家猶能稱述之謂公仁而有勲云其秀而文者進曰當時歷民膏亦十九傷創十一非公捐金錢厚賑給又創救貧三善之論勸民相助吾儕豈有今日耶青青衿佩鶉結相將公含淚解推人與錢數緡即今多士吾伊聲中念蔡公猶不置也未已耆而艾者復進曰此猶其小者公謀增築雉堞簡能畫地分督城以堅完百世之利也抑津門漕糧力請改折又請折布綿革蠟

諸賦省民間數千百緡民大稱便于時恒陽播  
穀于土袖手待稿公以精誠感泰山神夢示井  
字廼命民間鑿井迄今西北一方竟能引水潤  
棹灌田歲為不窘矣秀而文者復進曰公嘗過  
七忠祠矣喟然嘆曰此非靖難時烈丈夫與胡  
為暴于風日中蠲錘新之又作室于墀將以奉  
昨歲死事者曰從其類也及其禱雨龍潭見西  
有宮祀玉皇門當隘巷改而南其戶頗見爽愷  
已痛殘民不任魚肉鯨胥鳩眼難化廼作公門

修行錄人畀一帙仁者贈人以言哉已廼同聲  
以進曰公憂旱則徒步而禱之憫蝗則捐金而  
購之攝兵則壁壘肅長憲則犴狴清然皆其任  
內也即公已報遷矣猶輸俸錢飾薛王公祠又  
發粟若干橐錢若干緡命善士蓄藥石建義塚  
曰凡以患病無醫而死無葬者噫至矣公澤及  
枯骨矣我儕小民聳公行闔詞籲留早暮望公  
無脂轄也既弗克留以去已聳公在任城我儕  
引領猶望還旆也廼今數月矣如之何勿思余

時周眎環聽應接不暇見其辭色感愴咨嗟涕洟不禁太息曰公之得民心固其宜哉今使時方承平上官即有意撫綏民亦以為固然爾惟茲兵燹餘生如霜後靡艸不忍重傷臨危而下石憾也必深急難而援手感也倍切鴻雁所以感劬勞黃鳥所以望教誨也即使一端用拯民已鏤心語曰勞民易為仁又曰思不在多其于當危况公之深仁厚澤淪肌洽髓者哉簿書屬吏不敢復贊一詞但就民舌而筆之蘇洵曰思

之于心固存之于目存之于目故其思之于心也益切父老弟子之意將無庸乎然公方灑潤于梓鄉之中而余猶述謹于崇菱之口豐碑煌煌民愛無疆後之過此者讀之庶以知民情大可見而仁人之利溥也公諱懋德字維立蘇之崑山人已未進士

疏

水月清境補修後殿募緣疏

伏以生民轉危而為安賴神庥之默祐廟貌更



修五龍潭募緣疏

伏以廟貌昂新聿振風雷之氣宮墻壯麗式昭霖雨之霽爰集同心用彰盛舉會城西隩霽潭北鍾天鏡前臨不減瀛湘之致皇宮後峙彌神零雨之司凝碧有宮而霽湫標額濟幽構館而霖雨名亭赫赫深潭時發光怪奕奕寢廟丕著威神歷上官代有重修經兵燹因而傾圮冕旒塵蝕衮衣我心悲兮鱗甲風侵鮫人歎其泣矣值撫院之祈膏澤瞻就圮而愴心逮諸臺之謝

甘霖期維新于指顧迺命下吏爰集百工考卜陰書惟上臺命章程教護則有司存思膏雨及于四方同心必協念金錢訕于一旦羣力迺成艸疏敬傳隨心虔助庶几工集不日用資斤運成風六位特乘雲從作雨五行克叙日照識顏潛見躍蜚德不壅于過亢燠寒風雨徵不應乎恒暘雨捲明湖須臾而潤千里風生岱岳膚寸而沛兩間序調畢雨箕風俎豆洽神人歲薦璧牲昭美報運轉堯波湯旱倉箱穀士女羣持鏹

帛答神麻謹疏



卷之四